

皇明經世文編

皇明經世文編卷之三十九

陳子龍臥子 宋徵璧尚木

選輯

徐孚遠闇公 彭賓燕又

徐鳳彩聖期參閱

王端毅公文集

狀

王恕

參鎮守官參隨擾害夷方謝狀

鎮守參隨

臣仰惟我太祖高皇帝統馭天下慮恐大小官員軍民人等假托公差爲名前往外夷衙門生事擾害

需索財物，致生邊患。故降勅諭金牌信符，及勘合

底簿，關防詐偽，以盡撫綏之道。列聖相承，率繇舊

章。故事考每於踐阼之初，換與勘合底簿。勅諭昭昭篇首

立法甚嚴，是以臣民遵守，不敢違犯。夷人得以安生。

莫不慕義向化，恪修職貢。頃自太監錢能到於雲南，

侮慢自賢，罔遵聖訓。不時差人前去外夷衙門，假

公營私，需索攪擾，失夷人心。職貢因之以缺，今灣甸

州告稱前項京官節次要伊銀兩等情。臣再三體訪

委的是實。然此輩之到雲南，非特攪擾外夷衙門而

腹裏地方無不被害人情大爲之不堪除給榜文發

去該州禁約及已故知州景拙法伊男承襲之事另

行外查得吳京官卽吳源係散官江和卽姜和係指

揮鐵京官卽鐵聰係勇士福安卽劉安與楊能俱百

戶係跟隨錢能人負錢五係錢能義男合無差官將

各犯拏解到京查金牌信符衙門勅諭事例治以重

罪就將追出贓物給該州出銀人收領如此則法令

昭明而姦頑知所警懼恩信不失而遠人自然悅服

乞嚴賞爵以禁盜賊奏狀

滇南官軍

照得衛所官軍。本爲防奸禦侮。緝捕盜賊。征討不庭而設。非徒費軍實。張虛聲而爲觀美也。且雲南地方。諸種蠻夷雜處。其人兇悍好殺。不以盜賊爲耻。盔甲鎗刀弓箭挨牌等項軍器。家家有之。動輒三五十人。或一二百人。結爲羣黨。各執軍器。流劫村寨。抄搶家財。殺斃人命。或截路搶劫商旅貨物。略無忌憚。各處雖有哨堡巡司。及巡捕官軍。非惟賊衆軍寡。不能抵敵。亦繇馭之無法。所以不能成功。何也。伏睹大明律失悞軍事。及主將不固守條內。別無與賊對敵殺

傷官軍罪坐管軍頭目之人抑軍之令先賢身之論之今已之說之通之矣。況勝負兵家之常。雖智如良平。勇如信布。亦不能保其必勝。奈何近來庸懦不才頭目。因向時領軍將校。或以輕進被參。或以損軍得罪。以此遇賊。先以退縮保軍爲心。略無向前勦賊之志。幸而稍得其利。輒便虛增首級。妄報功次。以圖陞賞。不幸而折損官軍。就行隱匿。不聞設辭遮掩。以避其罪。况進則有死而無功。退則有生而無罪。如此爲將校者。誰肯提軍出戰。爲士卒者。誰肯奮不顧身。此官軍遇賊。所以不能成功者然也。設若臨陣奮

一近來 弼廷頗中此。今於九遊但領力行之耳

勇與賊對敵而死者厚恤其家。不罪領軍之官。若能成功。厚加賞賚。其臨陣退縮。不能奮勇効死。致賊猖獗。殺害良民。失陷地方。照依軍法處治。設或鼓之再戰。誰敢退縮。誰不向前。此馭之之法也。如此。則賊不期破而自破。功不必成而自成矣。且雲南強賊。比之它處。數加十倍。雖曰習俗之使然。其致之也。則有縣焉。或土官令家奴糾合部民而爲之。或管莊之人招亦沐氏莊戶也引無籍軍而爲之。盜以土官并管莊之人爲主人。賍俱藏於其家。誰敢前去搜捕。此雲南強盜。所以多於

他處也。况雲南去京萬里，非可以朝發而夕至。若將

問成該決強盜照依常例。奏請至秋後，然後行刑。動

一劃行空速使人不知所惧

經監候一年之上，或二三年者，亦有之。比及奏請

至日，或歿于獄中，而不受刑者多矣。將何以警兇惡

而快人心。乞勅該部計議，今後官軍人等與賊對

敵而歿者，官給銀物以卹其家。本管頭目督軍同戰

救、援、不、及、者、不、罪、如、或、有、功、次、量、加、賞、賚、若、遇、賊、退

縮、不、能、奮、勇、不、能、督、戰、及、見、同、征、軍、士、被、圍、故、不、救

援者，俱以軍法處治。土官并管莊之人縱賊為非者，



亦治以重罪仍將今後拿獲并見問未結強盜都布按三司會問明白同見監已問結強盜俱引赴鎮守總兵巡撫巡按等官處會審無寃委官押發市曹就便處決仍將首級發於打劫地方梟掛示衆然後具奏如此則賞罰當而官軍知所勸法令嚴而盜賊不敢肆矣。

駕帖不可無印信疏

駕帖印信

近聞雲南中衛百戶汪清來自京師賫捧駕帖與刑部郎中鍾蕃錦衣衛百戶宋鑑臣竊有疑焉伏聞

駕帖下各衙門，則用司禮監印信。該科掛號，皇城各門俱打照出關防印子，皆所以防詐偽也。今聞齋來駕帖，既無該監印信，該科字號，又無各門關防，此臣之不能無疑者一也。近該臣等題爲外夷脫回中華軍丁事，都察院覆本奏奉 聖旨是，各差的當官去務要勘問明白，干礙錢能奏來處置。欽此。今原差卽中等官鍾蕃等齋領前項 旨意公文，於本年九月初六日到雲南，提取犯人盧安等，到官鞫問。問百戶汪清，又齋 駕帖於本月十一日到，送與卽中鍾蕃

等此臣之不能無疑者二也。然臣之所疑者無他。但爲事體不一。何則。事體一則人皆尊信而無疑。若事體不一。非惟起人之疑。且使投閒抵隙者得以行其詐而濟其私。設若大臣深慮遠慮之言駕帖內有賜歿重事。而無印信可驗。其人將歿乎。將不死乎。果出于上意而不歿。

則是違君命而罪愈重。若非上意而歿之。未免含冤於地下。繇是言之。駕帖之出。誠不可無印信。臣以疎遠孤踪。劾奏炙手可熱之權要。何啻履虎狼之尾。撩虺蛇之首。真可謂不知量者也。但緣前項事情。

非臣私家之事，干係地方之安危，生民之休戚，兩體之輕重，人心之向背，且如昔者交趾守鎮非人，因而失陷地方，騰衝一夫啓釁，以致麓賊反叛，費無限之錢糧，傷無限之生靈，至今無老少言之莫不疾首蹙額，酸鼻流涕。今日錢能等所爲之事，殆有甚焉。將來之禍誠不可測。朝廷縱無按問之文，部屬縱無訴

自是與公

以○下

無不凜凜矣

公疏上

憲宗爲召錢能等，安置○南京

告之詞。臣巡撫其地，風聞其事，亦當爲陛下言之。况交通外國之事，兵部奏准，行臣與御史甄希賢會問，攬擾夷方之事，木邦等處節有緬書告訴，臣是

以不得不從實。上聞其罪彼與否。朝廷自有  
祖宗法度在。臣豈敢容私意於其間哉。若臣不以實  
告。則是黨權要而欺朝廷也。其罪將安逃乎。縱使  
幸而免之。亦豈忠臣孝子之心之忍爲乎。黨權要而  
苟利祿。臣則不忍爲也。有此情悃。干冒天威。不勝  
戰悚。

參提奪占南甸田地軍職奏狀

中使科擾

竊惟外夷之人。性如犬羊。馭之以道則歸順。馭之失  
策則背叛。故祖宗時。因其慕義向化。臣伏中國。是

以待之以誠信，撫之以恩義，嘗降勅禁止官負軍民人等，不許假托公差前去夷方擾害，非徒安外夷實所以安中國也。若外夷安，則邊方無事，而中國自安。外夷不安，則邊方多事，而中國亦不得安。今外夷南甸宣撫司百夫長刁克蠻，告稱各官占伊前項村寨田地，以致百姓逃竄，差發拖欠節緣，繇侵擾外夷地方事理，若不拿問處置，誠恐失夷人心，因而激變，引惹邊釁，不無勞師費財，爲中國憂，所係甚大。非但區區田土而已。查得尹指揮係尹泉，陳指揮係陳輔。

一原九非細文

內官隨分每季發糧而干萬東千

明指揮係明廣、尹千戶係尹銘、蘭千戶係蘭鑑，俱騰衝司。鮑千戶係鮑鑰，金齒司知事謝慶係土官，合無將各官與百夫長刁克蠻等，拘提到官，坐委雲南都布按三司堂上，公正官各一員，押帶前去告田處所，從公踏勘，如所告是實，即將田地斷給刁克蠻管領，招撫逃民復業耕種，辦納差發。有罪之人，問擬如律。若，有虛詐，亦當宣布恩威諭以禍福，使之知所警懼，不敢違犯干礙。太監錢能另行奏請定奪，如此則疆禦畏法而詞訟自息，遠人安業而邊釁不生矣。

素請之語

如此方得撫馭屬夷之體

刁克蠻，俱稱馬太監錢能所立故疏內有另行

恩威諭以禍福

論中使科擾民所得物件奏狀

中使科擾

臣惟自古人臣之事君以聲色貨利珍奇方術爲容

立言悚然有大臣節概

悅以取寵幸者未有不壞天下之事而爲社稷之憂

也切見內官監太監王敬前來江南採取藥餌收買

書籍朝廷止賜鹽七千引公用止可直銀八千餘

兩却發鹽一萬五千五百引與寧國等府衛逼要銀

帶皇親且不可稽例况內官乎

三萬二千五百兩不知餘鹽八千五百引從何而來

多取價利作何花銷又有鹽數十船發去江北廬州

等府衛江西南昌府等處官賣不知又得銀幾千萬



兩至蘇常等府、刑驅勢逼官民、取受銀三萬六千餘兩、玩器藥餌等物、并跟隨人員、私下取受者、不在其數、又令蘇州府織綵粧五毒大紅紗五百餘疋、每疋直價銀十五六兩、止給銀六兩五錢、及其交納、每疋反勒索機戶解扛銀五兩、虧民數多、使之破家蕩產、含冤莫訴、其在江西浙江二布政司、并南京及沿途索要官民金銀并玩器等物、不知又有幾千萬數、臣聞千戶王臣、本非勳賢、叨享祿位、專弄左道邪術、豈知經國大體、而太監王敬、聽伊撥置、刻剝軍民、舳舻

相銜滿載而歸。以覲 寵幸。殊不知取之不義。得之  
不以其道。所以失人心者在此。所以損 國體者在此。  
所以傷和氣而致災沴者亦在此也。若但見其易  
而不思其難。樂其有而不恤其無。徃者過而來者續。  
用日侈而財日屈。非民之福。亦非 國家之福也。况  
各人假公營私。明取暗受者多使 朝廷擔其名。此  
尤不可之甚者也。除王敬等在江西等處賣鹽。并取  
索銀兩。臣不知備細者不開外。今將臣所知者開坐  
具題

議事奏狀

查核錢糧

一查得成化七年奏准將江南應天府并蘇松等府該起運瓜洲淮安二處水次常盈倉糧俱撥官軍過江就各處倉塲交兌每石除原定加耗外另加過江水脚米一斗所以軍得脚價民免遠運彼此有益交相稱便成化十三年十四年仍令民運赴瓜淮交兌民有盤費之損軍無加增之益繇是言之則知民瓜淮不止水脚之費此種難有意外之憂不如運至瓜淮不若軍到江南領運之便明甚如蒙乞軍運勅該部會議合無將今後備運瓜洲淮安二處水次

常盈倉糧、照例加與脚耗、仍令官軍過江、依期煎去、各處水次領兌、庶幾軍民兩便、漕運不悞、

前件仍照舊例、民運於瓜淮及常盈倉兌納、

一蘇松常鎮及嘉湖杭七府、歲輸正耗稅糧八百餘萬石、租重差繁、民多逃移、松江一府二縣之民、已包納坍江逃絕人戶稅糧五萬有餘、其他可知、且杭鎮二府稅糧雖多、不過起運南京各衛倉、徐州等倉、及兌軍饋運而已、蘇松常嘉湖五府稅糧、除起運兩京內官監供用庫、光祿寺衙門白熟粳米、白熟糯米一

十四萬三千九百九十餘石、每石連加耗脚價盤用、有用糙米四石三斗二升者、有用糙米三石三升者、有用糙米二石七斗者、共用糙米四十餘萬石、蘇松常三府、又起運兩京各衙門、并公侯駙馬伯祿米二十八萬餘石、連加耗脚價盤用、共用糙米五十餘萬石、約用運夫二萬有餘、自備衣糧盤費、又不可以數計、况涉歷江湖、過關過壩、盤灘剝淺、辛苦萬狀、或不幸又有遭風覆沒之虞、四五箇月不得到京、及至到京、或遇陰雨不得曬晾、動輒守候一兩箇月、不能進

倉如遇各衙門忠誠爲國知民艱苦官負隨即照

數收受出給關單糧納受福若遇惟利是嗜不知民

難官負百般刁蹬任意需索捉斛較量衝撒在地者

皆不作數或百十石或五七十石一例折算照數添

補以致借債賠補破產還債年年如此民財如之何

不殫財殫力屈民難過活誠恐久則致生他變不特

收糧之弊如此而各庫收受一應官物其弊亦然請

勅戒諭兩京一應收受錢銀內外官負今後務要各

公乃心憫念民難如遇錢糧到於倉庫辨驗堪中隨

即收受毋刁蹬留難。毋巧取財物。毋多收斛面。毋多稱斤重。爲國愛惜民力。培養元氣。如或仍前不悛。剝削糧納。許巡倉巡庫御史指實參奏。不分內外一體拿問。如此則法無偏私。而人自畏服。東南生靈之福也。

前件准擬行文禁約

一查得在京光祿寺歲用白熟粳米三萬八千一百二十五石。南京光祿寺歲用白熟粳米一萬五千石。在京光祿寺日支飯米。臣不知其數。南京光祿寺日

支飯米。臣頗知其槩。其每日所造之飯。止供南京尚寶司六科巡城都督本寺及四署官數員而已。其餘則送各監局匠人本寺厨役。及以此米送淮清橋三飯堂。造飯濟貧。大抵此米以一百分爲率。官員所食不及一分。而匠人厨役貧子所食。反有九十九分之上。且此白熟米。得之非易。方其初收之時。鄉民選取一色好稻。舂碾成米。篩簸擇好者取之。其不好者退之。勞費民力。頗多。實非常米可比。在○此○比○論○事○休○極○爲○明○透○廷文武大臣非公差見辭奉○旨○賜○酒○飯○則○不○得○食○而○匠○人○厨○役○



貧子反得食之。况環衛之士與朝廷守宮禁防奸

細。比之匠人厨役貧子。輕重不同。環衛之士止食四門倉之米。所造之飯。而匠人厨役貧子却食如此好米。非惟人民辦納艱難。抑且貴賤輕重不分。乞 敕

該部會議。合無今後兩京光祿寺合用祇待近待官員及四夷使臣等項。方許會計白熟粳米。其餘匠人

厨役飯食。與夫飯堂造飯之米。另項會計。次等熟米。

得 旨 南 京 光 祿 寺 扣 粥 官 負 食 用 外 其 餘 只 與

但以熟米不分顆粒大小顏色紅白一例收受支給

二 等 米 食

如此非但辦納者頗省勞費。而飯食亦有差矣。

處置地方奏狀

荆襄險要

此奏陳荆襄險要其詳今日呼當考也

議得荆襄一帶山林深險土地肥饒力耕火種易於

收穫各處流民僧道人等遷遷逃移其中用強結菴

此荆襄流民之所始也

立產官吏不敢科徵里甲不敢差遣以致驕慢日生

縱橫日熾茲者仰賴皇上聖德神威賊寇俱已殄

滅若不乘時處置抑恐餘蔓復滋重貽後患緣係該

部奏准行令臣等會議區畫久安長治良策奏請

定奪事理未敢擅便今將處置地方緣繇逐一開坐

具題請 旨

皇明經世編

王端毅集

荆襄

三

平露堂

一襄陽荊州三衛并夷陵千戶所官軍永樂宣德年

間俱在本處操守地方彼時山中雖有流民畏懼軍

衛不敢嘯聚爲非正統十四年爲因摘調鎮遠靖州

摘調既多衛分既弱地方亦虛此有兩害

等衛官軍前去麓川雲南等處征進致令邊城缺守

苗賊出沒該總督軍務都御史王來奏准暫將荆襄

等衛官軍調去彼處分作兩班輪流備禦候邊衛清

既已調發即爲故事追復原來衛分便已難矣

勾軍士足伍之日另行定奪隨後又將三班軍餘亦

調前去征進今已十五六年邊衛隊伍計必完足前

項官軍仍舊輪班一向本處城池空虛武備廢弛以

致賊首千斤劉等得以伺隙爲非。今雖殄滅勞費實多。看得前項衛所除運糧并頭班備禦官軍外其二班三班官軍餘丁每衛不過七八百名合無令頭班官軍照舊前去備禦將二班三班官軍餘丁存留本處操守城池。振揚威武。遇有緊急易於調用。如此則盜賊知所畏懼。而地方可以永寧矣。

一襄陽府房縣僻在萬山之中。離府八日之程。所轄地方有歛馬大市螞蟬溪格兜坡潭頭坪馬腦關三扒峪梯兒崖頭沙河湯家河洞庭廟玉女廟長口榔

口馬欄青峰壽陽柏木前坪後坪洪坪等處土地肥饒道路險阻。各處流移人戶。在彼潛住者不下萬數。近者賊首千斤劉等一起。衆皆響應。相從爲非。查得比年間因見本縣山水險惡。流民數多。盜賊不時生發。所以設立一千戶所。在彼守禦。後因節將官軍餘丁。差調各邊備禦征進。并漕運去訖。止留老弱殘疾之人。不堪防禦。致賊窺伺爲患。且前項地方溪水雖多。灘浪峻急。舟楫不通。漕運艱難。合無將本所原調各邊備禦征進。并運糧官軍。盡數掣回本所。操守城

池振揚軍威。遇賊生發。易爲調遣。撲滅其該所原發。運糧官軍。宐從巡撫三司等官計議。於各衛另行照數撥補。如此則城池有人操守。而緩急遂不致悞事矣。

一襄陽府均州地里當四方之中。與竹山房縣上津鄭縣穀城光化相爲唇齒。本州地方流民比竹山房縣等處流民不相上下。彼有警則此戒嚴。此缺守則彼警擾。自然之勢。無足怪者。本州原設一千戶所官軍一以守禦本處地方。一以控制附近縣分。永樂年

間奉 勅全存修理宮觀。一應備邊征進軍糧等項俱不差調。切緣太岳太和山宮觀在前用工修蓋完固。卽今煥然如新。中間縱有損壞。用工不多。查得本所寔有食糧正軍一千二百餘員。各餘丁三千餘名。雖稱有輪班修理之名。其實歇役在閒。不曾做工。合無將正軍盡數令其在城日逐操練。振揚軍威。遇有本處并鄰近縣分賊盜生發。聽分巡分守等官調度。勦捕各處并邊方有警及運糧等項。不許一槩差調。其餘丁三千餘名。照舊輪班修理。遇有大營造之時。

仍令正軍盡數用工。千○令○流○寇○在○女○兵○一○帶○爲○安○如此非惟可以保障一方軍民亦可以防護各山宮觀矣。

一襄陽府均州南漳穀城竹山鄖縣上津房縣等處

當時衛所猶堪防禦禦故建謀

荆州府當陽遠安等處俱有各處流移人戶并逃軍

欲復滿額設所治也。若以令之流民既肯耕種。

逃囚人帶領家小在彼耕種趨食躲住過年結構爲

當量立州縣以治之自然向任成善地矣。

非均房二處各有千戶所守禦鄖縣上津竹山三處

俱離均房二千戶所不遠穀城南漳離襄陽衛不遠

當陽離夷陵千戶所不遠惟遠安縣西北抵房縣千

戶所五百餘里西南抵夷陵千戶所二百八十里東



南抵荊州三衛三百四十餘里。又離荊門南漳當陽等州縣俱各寫遠。况本縣止有一里半民。遇有賊盜生發。急無官軍救援。照得已革去荆襄護衛官軍。見在荊州三衛帶管。合無於內查屯田近遠安者。摘調一千戶所發去遠安縣與民相兼用工修築城池。設立千戶所衙門。守禦地方。如全所不勾一千戶所。就於別所轉撥。遇賊生發。隨卽撲捕。如此。則軍威彼此相接而盜賊不敢輕動矣。

一襄陽府房縣南漳穀城襄陽四縣。荊州府當陽縣

地方接連陝西四川河南疆域廣濶道路險阻要害  
去處因無巡司盤詰以此各處流移人戶逃軍逃囚  
僧道人等徃往來彼或開山耕種或結菴居住停藏  
年久聚集爲非看得房縣版橋山穀城縣石花街南  
漳縣七里頭襄陽縣油枋灘當陽縣漳河口俱係強  
賊出沒流民經行緊關去處合無前項地方每處設  
立一巡檢司照例銓官撥吏就于該縣僉點弓兵一  
初之意今則不然  
當時巡司無能控與流徙可見設官之一

百名令其常川盤詰往來巡視除住種年久附籍已  
定流民聽其本分生理外其不肯附籍者發回原籍

皇明經世編

王端毅集

襄陽  
險要

七 平露堂

當差造作非爲者，拿送官司治罪。私自結菴僧道，就將菴舍折毀。有度牒者，遍送原出家寺院識認。住坐無度牒者，解發本管官司問罪還俗。遇有賊盜生發，就便相機撲滅。仍仰嚴加禁約，今後各處趁食流民僧道，一應無文引之人，俱不許擅入前項山場。巡司官兵人，敢有假公營私，生事害人者，許巡按御史并按察司分巡官拿問如律。如此則控制有人，而流移不復聚衆，關防嚴緊，而賊盜日漸消阻矣。

一襄陽府均州竹山鄖縣上津南漳穀城棗陽光化

宜城。荆州府當陽遠安等州縣。在前因是土民不及  
里數。俱係裁減衙門。州設知州判官吏目。縣設知縣  
典史。切照各州縣土民雖少。而地土廣濶。中間趨食  
流民屯田軍餘與土民參雜住種者。不計其數。詞訟  
日逐紛紜。盜賊不時生發。原設官員俱全。尚且分理  
不周。一遇公差考滿等項。輒委雜職官員署事。非惟  
不能幹辦公務。抑且因而侵漁百姓。以致事多耽悞。  
民多受害。合無將前項裁減州縣。州添設同知一員。  
縣添設縣丞一員。令其專一撫安人民。緝捕盜賊。防

用。其銓序得人。何必復添。

○官○乎○

○不○能○幹○辦○公○務○抑○且○因○而○侵○漁○百○姓○

○以○致○事○多○耽○悞○

革奸弊如此。不惟撫捕二事責有所歸。而一應公務舉無所失矣。

駁議聽選官王瓚建言江北五衛免赴京操奏

狀  
江北五衛

臣等會同南京守備太監安寧等計議。照得江北應天等衛官軍。自永樂年間起。一向俱在江南操備。續於景泰四年。該應天衛經歷姜永奏稱。本處城池無人操守。奏准將南京見操應天等五衛官軍舍餘數內。摘發一千員名。委南京旗手衛指揮董貴管領提

督在於江北浦子口教塲操練守城外。天順三年，又該南京和陽衛百戶周忠建言江北應天等九衛官軍俱赴南京操備，隔江往來風波艱苦，各要將本衛官軍俱在江北操守等因。奉行該前守備魏國公徐承宗等議得：朝廷根本之地，操守係于重務。馬軍惟當增益，若將前項官軍輕易調動，萬一有警，卒難取用。已經奏奉 欽依。將前項衛分官軍照舊存留南京各營操備。今聽選官王瓚未知事體，又要將應天等五衛官軍放回本處浦子口操備。查得江北應

天等九衛見在南京大小教場并神機營新江口操

練官軍舍餘共二千餘員名及查南京各衛見操官

軍舍餘中間亦有在於江北屯所居住而赴南京操

練者又如直隸建陽等衛官軍前來南京輪班操備

俱各經過大江比之應天等衙門路程尤遠若令軍

士各就近便操備則江南操軍愈見數少將何守備

京城而為居重馭輕之道况江北浦子口見有指揮

崔珏在彼守禦各衛見在官軍舍餘亦足以守城操

備合無將前項衛所官軍原調南京各營操備者仍

分亦軍於江止者因江北多空地荒田就之屯糧且政散其往來引大江之險耳故江北衛軍可以以

實陪之京陪之京軍士可以以屯江北

令照舊操守。保障京師。實爲良便。

言開河事。空并乞先修舊塘水關奏狀

開河事空

近來黃河每淤淮水遂溢故邵伯鹽社渚湖每年

臣看得揚州一帶河道南臨大江北抵長淮別無泉

源止藉高郵邵伯等湖所積雨水接濟湖面雖與河

面相等而河身比之湖身頗高每遇乾旱湖水消耗

而湖深也故湖水淺時河水已涸

則河水輒爲之淺澀不能行舟若將河身濬深三尺

則湖水自來河水自深雖遇乾旱亦不阻船前向河

道自南至北四百五十餘里中間除深濶不用挑濬

外其淺窄可挑濬去處尚有二百餘里約用九萬餘

石



人六十工可完。每人日給口糧二升。該用糧米一十萬八千餘石。捲埽打埧共用椿木一萬六千餘根。草二十餘萬束。及看得高郵湖自杭家嘴至張家溝南共三十餘里。俱係磚砌堤岸。每遇西風大作。波濤洶湧。損壞船隻。失落錢糧人命。不可勝計。况前項隄岸之外。地勢頗低。若再濬深三尺。濶一十二丈。起土以爲外隄。就將內隄原有減水閘三座。改作通水橋洞。接引湖水。於內行舟。仍于外隄造減水閘三座。以節水利。雖遇風濤亦無前患。若興此役。約用一萬二千

餘人六十工可完每人日給口糧二升該用糧米一萬五千六百餘石合用築隄椿木五萬四千餘根草二十七萬餘束造減水閘并改造通水橋洞約用椿木磚石等料并工價銀二百餘兩又看得揚州灣頭鎮迤東河道內通通泰等五州縣二千戶所富安等二十四鹽場其間有魚鹽柴草之利在前河道疏通之時二千戶所運糧船隻俱在本所驗修客商引鹽裝至儀真每引船錢不過用銀四五分揚州柴草每束止賣銅錢二三文近年以來河道淤淺不曾挑撈

兼運河兼以便抽商一率兩利

加以天旱雨少。河水乾斷。舟楫不通。魚鹽柴米等項。俱用旱車裝載。二所運糧船隻。不得回還本所。牛車脚貴。柴米價高。以致客商失陷本錢。軍民不得聊生。前項河道。自灣頭起至通州白浦止。三百四十餘里。俱用挑濶八丈。深三尺。約用八萬五千六百餘人。六十工可完。每人日給口糧二升。該用糧米十萬二千七百九十餘石。再看得雷公上下塘。勾城塘。陳公塘。俱係漢唐以來古蹟。各有放水減水閘座。年久坍塌。遺址見在。近年以來。止是打造土埧。攔水。隨修隨坍。

不能蓄積水利。若每塘修造板閘一座。減水閘二座。潦則減水。不致衝決塘岸。旱則放水。得以接濟。運河以上四塘。共造放水版閘四座。減水閘八座。除舊有磚石外。約用磚石椿木等料價直。并匠作工價銀二千餘兩。臣雖無識。詢之於衆。咸以謂若將以上三件河道。依前整理。庶幾舟楫疏通。永無淺阻風濤之患。而爲往來軍民無窮之便也。但係前項工程浩大。合用人力錢糧數多。况揚州府地方。連年災傷。人民窮困已極。倉庫錢糧不敷。兼且邇來 玄象示警。黠虜

入寇人心驚疑。如斯之役。未易輕舉。須候時和歲豐。人力寬舒。方可爲之。惟修理陳公等塘閘座一事。既不起倩人夫。止用前項工價。爲之頗易。乞勅該部計議。合無於本府收貯解京船料銅錢內。委官支給。收買物料。修造閘座。亦可以蓄積水利。接濟運河。

處置運糧餘丁月糧奏狀

處置糧運

近者以衛所官口貧而漕糧轉運交收較難故武  
廣東清吏司案呈抄蒙 欽差南京守備太監安寧  
弁之稍富者皆營脫運差而委之貧者貧者既不  
等節該欽奉 勅爾等會同將南京各該衛所旗軍  
能治行則于點軍之時亦脫其籍有生業者以  
并新江口等處寄操旗軍查勘酌量選補運糧若正

軍數少。即將殷實餘丁點湊。照依正軍事例免其一

劉而役其赤貧者以致在途多使貧賤遠之是而

丁差使挈貼月支米一石養贍家。口行糧賞賜一體

運弁之到京得免罪者亦少矣此清政之所以日

關給欽此欽遵除該年依勅選補外自是以後各

一故此可覓

衛所餘丁因見運糧者月支米一石又有行糧賞賜

別差者無有糧賞所以皆願運糧而不願別差衛所

○性○年○衛○軍○樂○于○運○糧○近○來○衛○軍○營○脫○運○糧○近○年○有○

官吏受其親囑凡遇運糧旗軍逃故多不干正軍內

○賠○累○也

選差輒將餘丁揆補甚有將在運旗軍捏故掣回改

差就以餘丁更替及至逃故等項旗軍復役補役又

不送去上運替回餘丁改差所以食糧餘丁一年多

似一年在倉京儲一歲少如一歲。又如在外衛所旗

軍有月支本色米八斗者。有月支本色米六斗者。而

除軍比正軍稍優者以餘軍不當差

運糧餘丁一例俱支米一石。比運糧正軍支米反多。

一而差故稱優之然總計則倉儲費多矣故欲裁之

若不處置。非惟錢糧妄費。抑且恩澤不均。乞 勅該

部計議。合無通行內外軍衛衙門。今後不許將運糧

旗軍捏故掣回改差。果有逃故等項。仍照先奉 勅

書內事理。先儘操備等項旗軍。查勘酌量選補。若正

軍數少。方許將餘丁點奏。如運糧逃故。正軍復役。補

役。卽令上運替回。餘丁改差在外衛所運糧餘丁若

該衛所正軍食糧一石者。亦與糧一石。食糧八斗者。亦與糧八斗。食糧六斗者。亦與糧六斗。不可使餘丁食糧多于正軍。其選補運糧旗軍餘丁。俱于運糧完足回營之日選補。仍將選過餘丁造冊。南京各衛送南京戶部。在外衛所送所在有司查照收糧。敢有不先儘正軍選補。及將運糧正軍捏故掣回改差。濫點餘丁頂替虛實錢糧者。參奏拿問。如此則錢糧不至于虛費。而恩亦庶乎均一矣。

申明茶法奏狀

茶法



查得本部先於景泰五年爲因各處茶商人等多將  
舊引影射私茶不行銷繳查照清理鹽法事例具奏  
該戶部依擬奏准出榜曉諭及行各處巡按巡鹽  
巡河巡江監察御史監收船料提督洪閘郎中等官  
禁治搜檢各批驗所追繳退引等因已經通行遵守  
外今照前項退引累催不繳其故蓋因批驗所不置  
簿籍附寫茶商姓名貫址或不照茶商路引聽其冒  
名開報或將引繇賣賣產茶地方轉賣與人如此欲  
得的確名籍行追繳引難矣况茶貨出山經過官司

既不從公盤詰。又不依例批驗。縱有夾帶斤重。多是受財賣放。彼何畏憚。而不停藏。舊引影射私茶。又如南直隸常州廬州池州徽州浙江湖州嚴州衢州紹興江西南昌饒州南康九江吉安湖廣武昌寶慶長沙荊州四川成都保寧重慶夔州嘉定州瀘州雅州等處。俱係產茶地方。相去前項三批驗所。遠者數千里。近亦不下數百里。若照引內條例。聽茶商徑赴產茶府州納課。買引照茶於人。爲便理。必樂從。誰肯不買引。繇公犯茶禁。今却令茶商皆來此三所買引。路

納○課○遠○近○不○同○費○用○多○少○因○之○

茶商少利不得夾帶私茶矣  
途寫遠遑返不便欲其一一遵依不作前弊亦難矣

况批驗所還引該與截角。今前項三所。卻管賣引不  
行批驗照還名實不稱。有乖職掌。臣等切惟印造茶  
引鹽引。禁治私茶私鹽。係是太祖高皇帝舊制。今

官不修職。民不守法。茶禁廢弛。一至于斯。若不申明  
禁約。非惟虧國家之課程。抑恐壞祖宗之制度。

合無請給聖旨榜文。通行天下曉諭。今後國戶賣  
茶。及茶商與販茶貨。造引給繇。與夫批驗納課等項。  
務要俱遵引繇內條例。數內惟買引一事。免其納錢。

只照見行事例。每引一道。納鈔一貫。中夾紙一張。仍  
令前項產茶府州斟酌所管地方。每歲可出茶貨若  
干。合用引繇若干。預先具數。差人赴本部關領前引。  
回還收貯。出榜召商中買。仍要辨驗茶商路引。果無  
詐偽。即將其人姓名貫址附簿。將引給與。年終該府  
州各將賣過前引造冊。就將收過紙鈔。差人一同解  
繳本部。鈔送該庫交收。紙劄造引。仍具數領關。次年  
合用引繇。各批驗所如遇茶商經過。務依例逐一批  
驗。將引截角。如無夾帶。即便放行。若有夾帶。就連人

茶拿送本處官司問理。年終將批驗過客商姓名貫址并引數目。及盤獲私茶起數緣繇造冊申達所轄轉繳本部查考。如有日前停藏舊引。未曾繳到者。榜文到日。限三箇月以裏。赴所在官司告繳。與免本罪。敢有不遵條件。與販私茶者。許巡按巡鹽巡河巡江監察御史監收船料提督洪開郎中等官。及各該軍衛有司守把關隘人。負拿問挑擔馱載。及引領牙行停藏之家。俱依律治罪。盤獲私茶。并盤車船頭畜等物。俱入官。如將引繇照茶依例批驗截角賣畢。隨將

赴往賣所在官司告繳。封送原引衙門通類解部查銷。如此則職掌定而政務修。法令明而奸蠹息矣。

議封贈繼母奏狀

封贈繼母

驗封清吏司案呈。奉本部送准南京吏部咨。開南京太僕寺寺丞文林。照例請給故父文洪。故母陳氏。故繼母顧氏。見在繼母呂氏。勅命等因。到部送司。照得成化二十三年四月十七日。欽奉詔書內一款。兩京文武官員。未關誥勅者。七品以上至四品。若父母見在。先與誥勅封之。三品以上。俱與應得誥命。不

爲常例、欽此、續該本部查照天順年間、欽奉 詔書

恩例、節比題 准各官父在兼贈其母、母在兼贈其

父、共給 誥勅一軸、以省多費、事例具題、奉 憲宗

皇帝聖旨、照天順年間例給與、欽此、欽遵、又查得本

部見行事例、凡子應封父母者、繼母亦該受封、諸司

職掌內、不曾開有繼母二人三人俱封、贈亦不曾開

有繼母止封一人止有應封妻者、繼室止封一人之

說、今該前因案呈到部、看得子之於繼母、禮有斬衰

三年之服、繼母或一人或二人三人、遇有大故、爲之

子者皆當依例守制遇有恩典似不可止及一人今

寺丞文林請給父母并二繼母 勅命、俟諸天理民

彙似合給與、但往時未見有二繼母並受封贈者、所

以再三躊躇、未敢輕易與之奏 請、若照繼室止封

一人例不與之奏 請、不審今後見在繼母奉養有

缺及有所違犯、空何如治罪而其服制空何如守也

今因文林照例請給 勅命、若不與之講究陳 請

定奪、非惟有孤 恩典、且使爲繼母者自分彼此而

意有厚薄、而其子之於繼母雖欲同一孝心而不能

○ ○ 種 ○ 情 ○ 制 ○ 孔 ○ 似 ○ 俱 ○ 制 ○ 爲 ○ 也

○ 大 ○ 足 ○ 爲 ○ 樣 ○ 論 ○ 之 ○ 家 ○ ○

○ 此 ○ 論 ○ 夏 ○ 透 ○



皇明經世編

王端毅集

封贈  
繼母

天

平露堂  
子堂

盡非所以均仁恩而勸慈孝也合無准寺丞文林

封贈父母并二繼母共給勅命一軸以後遇有應

請詰勅官員或有二三繼母者亦照此例一體請

給庶幾恩典均及而母子之心安矣奉

旨諸司職掌無盡封繼母之文止許封一人

論釋奠禮奏狀

釋奠

禮部儀制清吏司手本內開皇上于今年三月三

日幸太學釋奠先師孔子以臣爲分獻東哲官

榮幸莫大焉切觀儀注內一段開稱導引官導皇

上詣大成殿陞上，典儀唱執事官各司其事，執事官各先斟酒於爵，候導。上至拜位，贊就位，百官亦各就拜位，四配十哲分獻官各詣殿陞東西階下，兩廡分獻官各詣廡前，俱北向立，贊迎神，樂作，樂止，贊上鞠躬拜，興，拜，興，平身，通贊百官行禮，同贊揖，上上揖，執事官跪進爵，樂作。上受爵，獻畢，復授執事官奠于神位前，樂止，贊出，上出，上出，四配十哲兩廡分獻官，以次詣神位前奠爵訖，仍以次出殿門外，東西向立，典儀唱送神，樂作，樂止，贊上鞠躬拜。

與拜典平身通贊陪祀官行禮同導引官導上繇

中道出分獻官以次退若依此儀注則分獻官始終  
不拜矣。皇上拜陪祀官俱拜獨分獻官始終不拜  
恐非禮也。臣愚以爲分獻官拜位當在殿陛之下。列

于陪祀官之前。贊迎神。上在殿陛上拜。分獻官陪

祀官俱在殿陛下拜。上獻畢。分獻官以次詣神位

前奠爵訖。復退于殿陛下原拜位立定。贊送神。上

拜。分獻官陪祀官俱拜。似爲近禮。臣讀禮記文王世

子篇有曰。凡學春官釋奠于其先師。秋冬亦如之。此

言春官之釋奠。主于行禮。非報功也。故無幣。又曰。凡始立學者。必釋奠于先聖先師。及行事。必以幣。此

言立學事重。故釋奠必以幣。今皇上嗣登大寶。初

釋奠引經衍

幸太學。卽所謂始立學也。臣愚以爲釋奠當用幣。爵亦當三獻。今儀注內無獻幣之禮。是行春官釋奠之禮。非始立學釋奠之禮也。似爲未安。或以爲舊儀注

如此。臣以爲舊儀注是。則當從之。或有差誤。亦當更之。以求合乎空。似不可以訖承訛也。乞下臣言于禮

官。會同翰林院官議之。然後行事。則聖明幸學釋

奠之禮。庶幾合乎室。而可以傳之于後矣。

疏上准行分獻官拜禮餘仍舊儀

陳言輔治奏狀

陸賞冒濫

祖宗朝官府一體讀此疏猶有用制宦官統于家

伏覩

祖訓條章內府各監局等衙門內官俱有定

宰之意

員各有職掌。洪武永樂年間未嘗額外濫設其太監

故事當考

等官非歷練老成。縱有聰明才俊亦不輕授。近年以

來則不然矣。前者陛下將內官論年遞降蓋矯往

年濫陞之弊欲復祖宗之舊制誠是也。臣於病中

風聞近日又陞一起內官其數頗多不知是日前遞

降者不知另是一起也。前既以爲濫而適降之。今何  
不以爲濫而復陞之。似乎不可。 陛下嗣位之初。人

心歸向如古之二帝三王。本朝 太祖太宗復見於

今日。莫不稱頌而愛戴之。蓋聞 陛下在青宮時。存

心正大。不喜聲色。不貴貨利。及登 寶位。又罷貢獻

織造。屏去一應珍奇玩好之物。治近習蠹國亂政邪

術欺 君用上之罪。進逐刺麻番僧法王佛子國師。

孝宗聖德于此不昧其之

革罷傳奉冗員。追回濫賞莊田蟒衣等項。裁抑奢侈

奔競。凡此數事。皆壞名器。損國體。傷民財。臣民所不

欲而不能革。非一日矣。陛下一旦而盡革之。此天

下臣民所以稱頌而愛戴之也。夫何未久而又濫陞

內官如此。若復濫賞莊田蟒衣。將見前數事。不數年

言甚切直

復如舊矣。欲天下臣民稱頌而愛戴之。如今日。恐不

可得。此天命去就。人心離合之畿也。可不慎與。况

今北虜在邊。災異迭見。此正君臣上下同加修省

之時。而國政如此。其何以服遠人。弭天變。伏望

陛下自今伊始。於出入起居之時。發號施令之際。務

要惟精惟一。允執厥中。遠宗堯舜之道。近守祖宗

之法。決不可爲巧言所惑。蹈襲前事。上拂天意。下  
失人心。而爲社稷憂。臣誠激於中。詞不能婉。無任  
戰慄。隕越之至。

議知州趙源乞開陞衙門奏狀

廣西土官

看得廣西龍州土官知州趙源奏稱本州地方與安  
南國毗連。每遇交人進貢往來。係臣率領目兵迎送  
護持。其間官僞稱侯伯都督侍郎。勢張狐犬之威。欺

治以假彈壓也

假爲此言欺改府

壓守邊官負妄自尊大。乞照憑祥縣開設軍民府事  
例。將龍州改爲龍州府。土官知府職事。長牙爪精神。



固守地方一節、臣等竊聞書曰、監于先王成憲、其永無愆、詩曰、不愆不忘、率繇舊章、此古昔之格言、後世君臣之所當法守者也、緣前項地方自國初開設州治、迄今一百二十餘年、自趙帖堅歸附爲土官、知州子孫世襲其職、至趙源已是四輩、未嘗改作、所以邊釁不生、境內晏然、今土官知州趙源欲陞百餘年來已定之州治而爲府治、若允所請、恐邊境自此多事矣、非地方之福、亦非趙源之福、合無行令巡撫都御史今後如遇安南遣使入貢、經過龍州地方、差官

○生○駁○土官當以○故○事○裁○之○若○輕○對○奏○請○將○來○陳○乞  
者○紛○以○裁○之○一○與○一○否○反○爲○屬○附○矣

開諭來使務要遵守禮法毋得生事擾害仍戒諭知

既不從其陳說為此言以釋其意亦足  
駕馭机謀也近普氏力以濫假州守之職遠致生

州趙源亦要安分循理遵守祖宗成憲永享和平

心土官嘗試朝廷張大聲勢率自此始

之福毋再妄生異議率意改作以貽後日之悔

議修蘆溝河官不當陞職奏狀

河工濫陞

切惟朝廷置文思院官并把總人匠無非爲營造設也今副使潘俊等修築蘆溝河圻工完雖曾効勞是乃職分之當爲非分外事也訪得天順年間并成化初年亦曾修築河隄本部查無陞官事例止查得成化十九年六月修築蘆溝橋決口工完陞把總袁

狗兒等十二名，八月蓋造恭愼夫人墳塋工完，陞把總柴甫成等四名，九月修理大慈恩寺殿宇工完，陞把總金全等三十七名，俱文思院副使，是以濫陞匠官，并欽天監、太醫院等衙門官，日增月益，動以千計。大壞名器，虛費錢糧，物議爲之沸騰，欲其革罷而未之能，迨至 陛下卽位，因科道建言，一切罷去，人心十分痛快，仰聖太平。且如營造 憲宗皇帝山陵，乃初政第一莫大工程，凡八閱月，所役軍夫匠作人等，何止三四萬，然後告成，中間豈無精通藝業，造作有

方之人。亦豈無棟樑。月日修合藥餌。書辦文案之人。

○如此○折○論○細○實○既○得○人○自○

未聞有加陞職事者。今修堤之功。不及山陵三分之

一。較其事之輕重。奚啻百鈞之於一羽也。管營造山

書奏潘俊等遂奉旨不准陞賞觀先帝時大工

陵工完未嘗陞官。今修築河隄工完。若許陞官。不無

諸役陞賞之濫乃知大工深惜國體如此也

有失輕重。况目今修城等項工程數多。若工完之日

俱照此例奏討。陞官將何詞以拒之。其爲冗濫。又復

陞與賞之異即軍

如前日矣。豈不爲新政之累。所據副使潘俊等只可

功且然何况他工及罪

量加賞賚。以酬其勞。恐不可陞官。以開弊端也。

議進士石存禮除官奏狀

除授京職

照得自今六月本部大選官貢，取到三甲進士內一  
貢石存禮，年二十二歲。山東青州府益都縣人，照依  
甲第次序，本官該選知縣。臣等竊惟知縣乃一縣之  
主，百責所萃，生民休戚係焉。非年少力弱者所能勝  
任。查得舊例中副榜舉人俱除教職，中間有年未及  
二十五歲，告願不就教職者，准送國子監讀書二十  
五歲以上，不願就教職者，不准，仍除教職。蓋以未及  
二十五歲者，年少未可爲人師範，故准令不就教職。  
况知縣比之教職，責任尤重。今石存禮年方二十二

歲氣質清秀，形體孱弱，若除授知縣使之宰百里之地，居羣僚之上，督率衆職，分理庶務，加以送往迎來，承上接下，勞苦百端，恐不能堪，看得行人司行人亦係三甲進士，該除官負其職最簡而無勞事，欲將存禮仍送該衙門辦事，候有行人員缺，另行除授行人。如此可謂法若近者一定資格付之掣籤，是以避嫌，謗豈大，臣成競人材之道乎，雖然若令者太人使本官讀書進學，日省月修，待其老成然後授以任事之職，斯可責其成績。

宰做于例外與人一京取恐亦不可獨矣

皇明經世文編卷之四十

華亭 陳子龍臥子 徐孚遠

宋徵璧上木 顧開雍偉南

編輯

錢 穀子璧參閱

楊大司農奏疏

疏

楊 鼎

通惠河舊道事宜疏

通惠河舊道

看得通州至京城四十餘里古有通惠河故道石關尚存永樂間曾於此河搬運大木以此度之船亦可

行。先年曾奏欲於此河積水船運。又有議欲於三里河從張家灣煙墩橋以西疏挑二十里。灣泊糧船以避水患者。二事俱未施行。今此河道通流。其水約深二尺。不勞疏挑。惟用閘蓄水。令運糧衛所。每船二十五隻。造一剝船。自備米袋。挨次剝運。如此則運士得省脚費而困憊少蘇矣。今蒙命臣等同叅將袁佑等親詣昌平縣元人引水去處。及宛平大興通州地方。因土命公訪求元時故道故國奏云云本二疏三里河各河道將行船故迹。逐一踏勘。及據元史并今各爲一各關見樹碑文所載事疏稽考回奏。看得閘河原有



舊開二十四座以通水道。但元時元時宮殿尚存水在宮牆外。船得  
進入城內海子灣泊。今水從皇城中金水河流出。難  
循故道行船。須用從窰改圖。除元人舊引昌平東南  
山白浮泉水往西逆流。經過祖宗山陵。恐於地里  
不宜。及一畝泉水。經過白羊口山溝。雨水衝截。俱難  
導引外。及勘得城南三里河。至張家灣運河口。袤延  
六十餘里。舊無河源。正統間。因脩城壕。作壩蓄水。慮  
恐雨多水溢。故於正陽橋東南低窪處。開通壕口。以  
泄其水。始有三里河名。自壕口三里至八里。始接渾

河舊渠兩岸多人家廬舍墳墓。流向十里迤南。全接舊河流入張家灣白河。其水深處止有二三尺。淺處一尺餘。濶處僅丈餘。窄處未及一丈。今若用此河行船。凡河身窄狹淤淺處。必用濬深開濶。凡遇人家房垣墳所。必須拆毀那移。且以今寬處一丈許之。水深二尺。若散於五丈之寬。止深四寸。况春夏天旱。泉脉易乾。流水更少。艤船剝運。俱難行使。兼且沿河堤岸。高者必須剝削。低者缺者必須增築填塞。又有走沙急湍處。俱要剝開。派夫修挑。倘水少又須增引別處。

水來相濟。若引西湖之水。則自河口迤西直至西河堤岸。未免添置閘座。若引草橋之水。必須於大肥壇邊一路創鑿溝渠。亦恐有碍。况其源又止出彰義門外玉匠局等處。馬跑等地。泉亦不深遠。大抵此河天旱則淤壅淺澀。雨澇則漫散衝突。徒勞人力。卒難成功。決不可開。况元人開此河。曾用金口之水。其勢洶湧。衝沒民舍。船不能行。卒爲廢河。此乃不可行之明驗也。今會勘得玉泉龍泉及月兒柳沙等泉諸水。其源皆出於西北一帶山麓。堪以導引匯于西湖。見今

大半流出清河。若從西湖源頭將分水青龍閘閉住。引至玉泉諸水。從高粱河量其分數。一半仍從皇城金水河流出。其餘從都城外壕流轉通會。流於正陽門東城壕。再將泄入三里河水閘住。併流入大通橋閘河。隨時開閉。天旱水小。則閉閘蓄水。短運剝船。雨澇水大。則開閘泄水。放行大舟。况河道閘座見成。不用增造。官吏閘夫見有。不須添設。臣等勘時曾將慶豐平津通流等閘下板七葉剝船已驗可行。若板下至官定水。則其船亦可通行。止是閘座河渠間有決。

壞淤淺處要逐加脩濬較之欲創三里河工程甚省  
况前元開創此河漕運七八十年公私便宜後來廢

今此河亦僅通制船耳

弛今若復興則舟楫得以環城灣泊糧儲得以近倉  
上納在內食糧官軍得以就近開給通州該上糧儲  
又得運來都城與夫天下百官之朝覲四方外夷之  
貢獻其行李方物皆得直抵都城下若此事舉行實  
天意暢快人心歡悅足以壯觀我 聖朝京師萬萬  
年太平之氣象也伏望聖明早賜裁處乞勅各該衙  
門會計物料量撥官匠并各營見揀官軍人等自山



西玉泉一帶，并都城周圍壕塹，及大通橋直抵通州張家灣一路河道，分工逐一修濬，如此則不惟省一時糧運之腳價，實足以垂萬世無窮之利益矣。

會議大同等處事宜

會議邊事宜

巡撫大同甘肅等處都御史殷謙等所奏事宜，一太原等府州縣歲運邊方糧草，因山路險遠，止是輕賚銀貨買納，如薄收價貴，則積蓄者高價以罔利，如有收價賤，則納者侵欺肥己。宜令有司遇價賤，則督令全買，貴則使納至六七分，其餘收銀給與官軍，准

作俸糧。一山西新設威遠衛與大同右衛相隣，右衛三面幾四百里，威遠四面僅六里，難以種牧，宜令分巡官會同守備等官查量，以隣近大同右玉林二衛餘地內西南各撥二十里，東北各撥一十五里，給威遠衛軍種牧。一陝西甘肅一帶官倉，近被官攢斗級，侵盜糧料，多至一萬三千餘石，少者二千有奇，蓋因監收官不相交代，致生姦弊，况甘肅見有虜報，正積蓄備禦之時，其監收官宐二年一代，不許先期而還受代者，亦不得託故延緩。一甘肅富豪之家，多賂摠

兵副叅等官，占奪水利，妨民灌溉，宜令分巡官兼管其事，犯者治以重罪。一陝西甘州左等衛甘泉等驛，遶并河西一帶，地連哈密等處，四外使人，絡繹不絕，宜令臨鞏平鳳四府人犯死罪，并徒流罪者，俱發充驛遞夫，自備馬驢牛車，相兼服役，仍給口糧三斗，限滿放歸。

覆山東巡撫事宣

山東巡撫事宣

巡撫山東僉都御史牟俸所奏事宜，一今山東飢民，荷蒙聖恩，出內帑，發官廩，蠲逋負，停役徭，周恤保愛。



無所不至。奈民日困苦，流移益多。昔宋仁宗遇契丹流民過界，分送諸州，以閒田給種，富弼守青州，遇河北流民至境，區畫賑恤，無異土著。方今天下一統，通融有無，何分彼此。乞勅河南等處巡撫等官，以山東流民分發各州縣，務隨所在區畫，屋舍居住，驗口給糧。候秋成，仍給口糧，發遣復業。以其數奏報稽考。庶得彼此兼濟。一今山東長蘆二運司官鹽不行，而淮浙福建河東廣東鹽課積多久不開種，乞撥百萬餘引於臨濟濟寧等處報中不拘資次，卽與開支，則客

商見利必趨樂於中納而有助于荒政矣。一山東所屬該徵糧艸粟米豆麥之類。邇年派運在京諸司并在外河間涿州臨情德州等處土納自成化六年以來連遭旱澇逋負甚多官吏以此得罪且山東飢民賑恤撫綏尚不能全其生使更差役追徵是速之死也乞俱停止庶得少安。

議覆巡撫漕運疏

撫漕事

各處巡撫漕運都御史等官所陳事竊一工部以各衛遭風失火糧船多因旌軍侵盜惧罪或遇別船有

此故自焚溺以覲免罪。欲令本衛旗軍備料造船。以  
幸此弊。然風火之起。眾所共見。若令軍自造船。恐誤  
京儲。請如舊例。有司并提舉司相兼脩造爲便。一漕  
運指揮等官年六十者。例許更代。而代者率多少年。  
不諳漕務。請自今雖有年及六十。筋力精健。公勤辦  
事者。聽總督漕運官審驗。仍留在運。一九江鎮江安  
慶等衛。自永樂年來。屯軍皆自耕自食。後以選征麓  
川。逃亡者多。乃以運糧旗軍撥補。每田三十畝。納子  
粒六石。身旣運糧。又納子粒。每月又赴各倉支糧。誠

爲不便請各軍月糧一石止關本色二斗折色二斗其六斗存積至一年則有七石二斗以六石抵納子粒餘爲加耗各都司倣此一陝西盤屋縣司竹局額設官吏各一員歲納課鈔後竹枯死而課鈔均攤辦納今佃戶俱屬有司官吏仍舊虛設又正統時新設靖虜衛除收糧經歷一員是衛直隸布政司既歲委有司監督出納經歷亦爲虛設請俱革之一軍士運糧近例每石有耗米七升以備盤剝顧直之用近因脩濬河閘并造剝船已摘取其半而各軍運送本色

赴倉、并各船所帶修通惠河磚石、顧直全資于此。若將七升之數、一例扣除、則軍士愈困。今宜斟酌、每石只加四升、後不爲例。一洮河岷三衛、該解廣南永昌武清等衛軍、近清軍御史等官、如例拘解、緣土人習性、與番人、不相遠、恐致激變、請各就附近編於三衛當軍、一固原衛、迤北葫蘆峽口、并魏王城、俱有古城一座、通寧夏韋州、計周圍數百餘里、內爲土達居住之巢穴、外爲虜寇、出沒之喉咽。今陝西該解福建廣東廣西雲南軍一萬一千餘名、而各處該解陝西衛

分軍亦六千四百餘名。請以南北軍頂兌順其水土之性。免其跋涉之勞。仍脩理魏王城。設平虜守禦千戶所。其葫蘆峽口。設鎮戎守禦千戶所。俱隸固原衛。其閒地則爲屯田。且耕且守。五年後方令納糧。平虜千戶所仍聽寧夏總兵官節制。一褒城縣雞頭關。沔縣白馬關。舊于漢中寧羌二衛。月差百戶率旗軍守之。而各軍惟刻剝商賈。縱放軍囚。有害無益。請各設巡檢司官吏署之。一和州含山縣。舊有研辦蘆柴。弓兵。諱以蘆塲水衝。困於陪納。令每柴一束。納米四升。

共該八百石有奇，俱納本縣倉。至天順間，以三分之一起運於州，每石盤運加耗多至一石四五斗，請仍存留本縣，以省加耗。一鳳陽府廣儲等倉，每歲約支中都留守司及各衛所官吏糧二十三萬九千二百餘石，緣本倉歲收各處糧俱爲停免，兼起運未到，故支者歲增而納者歲減，恐將來供給不足。及南京金川門中和橋二草塲所積草，足用五六年，恐年久腐爛，請以明年河南有糧州縣實徵米麥，添撥鳳陽倉上納，又以鳳陽淮安揚州三府實徵南京馬草量爲

通融支撥會計之善策也

折米亦納於此。候有積蓄已之。一南京應天橫海龍  
虎三衛俱在江北。衛各有倉。歲收錦衣等衛屯種子  
粒。不過十一萬二千一百餘石。而所支三衛并武德  
河陽江淮各衛官軍俸糧。乃用十三萬九千三百石  
有奇。往往取足于南京。在城倉。各軍月支不便。窵以  
應天府所屬江北縣分。并直隸沿江府州。每年夏稅  
撥於應天等三衛倉。以足每歲各軍之用。一南京各  
衛倉糧。初以地濕。漚爛。每石議一尖一平收。約餘八  
升。尋以糧長納戶作弊。從都御史周瑄請。每石明加



八升、正耗米俱平斛甚便、近因建議者復令如舊、今欲令鳳陽及南京江北分并五府以下諸司收糶、則皆如舊、其在城各衛倉仍如周瑄所請、

皇明經世文編卷之

皇明經世編

楊可農疏

撫漕事宜十

平露堂